

Populasi dunia cecah lapan bilion November ini

New York: Populasi dunia diramal mencapai lapan bilion orang pada 15 November ini, menurut laporan Pertubuhan Bangsa-Bangsa Bersatu (PBB), semalam.

Menurut laporan itu, India berkemungkinan mengatasi China sebagai negara paling ramai penduduk menjelang 2023.

Setiausaha Agung PBB, Antonio Guterres berkata, pencapaian keseluruhan populasi adalah peringatan buat semua pihak mengenai tanggungjawab bersama menjaga planet.

"Juga untuk renungan, di mana kita masih gagal mencapai komitmen antara satu sama lain," katanya tanpa memperincikan laporan itu.

Guterres menyifatkan perkembangan itu sebagai kesempatan baik untuk meraikan kepelbagaian, mengiktiraf kemanusiaan dan mengagumi kemajuan

kesihatan yang telah memanjangkan jangka hayat serta mengurangkan kadar kematian ibu dan anak.

Jabatan Hal Ehwal Ekonomi dan Sosial PBB melaporkan populasi dunia berkembang pada kadar paling perlahan sejak 1950.

Ia sepatutnya mencapai 8.5 bilion orang pada 2030; 9.7 bilion pada 2050 dan meningkat sekitar 10.4 bilion pada 2080 sebelum stabil pada kadar itu hingga tahun 2100.

Meskipun penurunan bersih kadar kelahiran di beberapa negara membanggung dalam pemerhatian, terdapat lebih separuh daripada ramalan kenaikan penduduk dunia bagi dekad mendatang tertumpu di lapan negara.

Laporan itu menjangkakan ia daripada Republik Demokratik Congo, Mesir, Ethiopia, India, Nigeria, Pakistan, Filipina dan Tanzania.